

序

張篁

先生遺存

賜進士出身翰林院編修國子監祭酒加三級

臣王先謙

撰聞天以佑民爲心君以體天爲國此理千古不易自有中國以來君臣陳戒恆用是爲勸勉至於實盡牧民之職以仰承天休不基洪業輦若金城當開國而已垂億萬禩之統未有如我

大清者也自古懋世久而得天下者莫如周忠厚累積延祚八百然昭穆之世咸陵寢替啟東轍矣災漢以降其君多以崛起草創之際媮爲一切以幸天下一再傳後綱紀頽弛陵替之漸開變亂之端作卽有享國縣遠曾無百年不邁內憂外患苟且枝柱卒用顛危所以然者祖宗培植而未遘子孫紹述而不足恩澤不能深結人心而法復無以

東

錄

序

一

持其久也明祖肇立百度號爲精密故其末季師喪財匱而國勢不傾然開朔之初誅戮安忍靖難兵興元氣剝喪仁厚之澤亦少竭焉萬厯以還綴旒在上延及天崇橫恣極於宦寺盜賊四起元元塗炭至於言路猖狂變亂國是君有權而不敢收臣有忠而不能效綱維蕩然國亦灰滅矣由是觀之爲治之道起有他哉仁爲百姓留具有餘雖萬厚不以爲嫌法爲天下制其泰過卽一疏有所不可惟在人主謹持魁柄因事調劑以適其宜斯爲可大可久之業故曰徒善不足以爲政徒法不能以自行此之謂也我太祖皇帝肇興東土無利天下之心因明臣召釁起兵復仇既定諸部破明兵取遼瀋遐邇懷畏遂建

尊號用賢納諫崇儉黜奢嚴法令以肅羣臣民事以崇本務締

造伊始而治具畢恢屹然建萬世不拔

去爲

帝太祖功莫隆焉

太宗皇帝下朝鮮臣蒙古殘明取其城邑牲不嗜殺感然以生民爲念命將出征每誠毋妄誅掠屢勝之後猶投書明主講和至數十次以善養人禁絕侵暴法不覓貴近恩無間流逸雖未定中原而精神意量廓乎兼容并包萬流傾心規模宏遠爲

帝太宗德莫懋焉

世祖皇帝冲齡正位因明運告終入關翦寇奄有九有親政以後制作事新延訪儒臣斟酌百代

聖懷謙抑責躬之詔屢下迄於

晏然永改厥初舉明季朋黨流風賦斂苛政一掃刮絕與臣民更

始俾薄海內外重覩天日所以爲

帝世祖

聖祖皇帝天錫智勇幼卽以康乂天下爲心值三孽不靖東南岁

岌

宸謨默運措寰宇於磐石之安關郡海島犁庭漠北危招羅刹就

我皋牢

躬上聖之姿以好古敏求爲務誦讀講貫儒生無以踰其勤挽強

命中材武之士無能程其力凡有制作皆條理始終開快

闡奧爲萬代法黜陟賞罰與天下爲公

宮庭呼吸通於窮老

巡省河防屢勤轡輅故能排羣疑而成不續蠲租給復月不絕書

渥恩厯鴻浹民肌體古稱令辟若漢之文帝宋之仁宗不足以仰

方

美備堯舜至矣然洪荒簡陋可以清靜無爲治之如我

朝民物之織豐疆域之廣遠有未易言就理者洵乎

聖祖爲書契以來首出之

一人也及

皇躬不豫比戶祈禱

升遐之日路祭巷哭徧於窮壤凡有血氣咸懷一心奉

主之誠雖云守成實兼開初所以爲

帝聖祖

世宗皇帝始居潛藩獨立不倚

睿襟冲邈默契

天心唯

東錄序

聖祖能無憂唯

世宗不愧達孝既續大統合宙欣慶承六十年生息之後慮天下
習於縱弛日揭示大義以濯磨人心自宗藩以至臣庶始
凜然守法奉公永遵蕩平正直之路至於帡幪閭閻纖微
必至

先聖

後聖若合符節以唐虞執中之心極文武張弛之用所以爲

帝世宗

高宗皇帝仲紹

詒謀以育以正

天授神武成

兩朝未竟之志準回平而北無漢世匈奴之患金川定而西無唐

代吐蕃之擾保世恢基極於無外鑑儲貳之失定立賢之策善繼善述於斯爲盛所以爲

帝高宗

仁宗皇帝以繼體授受

親承

訓政爲曠代罕逢之盛逮

躬攬萬幾首除煬蔽三省邪民應時平靖遂以寬仁慈恕鎮定海

宇至於周曆陪都講武蘭昭示

祖宗之大訓以垂戒方來

孝思不匱自來仁聖之君鮮能及者所以爲

帝仁宗

宣宗皇帝養正青宮戡定大難踐阼後

躬行節儉方物之貢裁減大半務約己以養天下之和自抑以平

天下之爭

遺訓昭垂欲舉配

天祔

廟鐫碑陳器諸大典及身罷之

聖不自聖之心度越萬世故

廟爲

清

宣宗

文宗皇帝卽位嚴諫臣工湔除積習詔求才賢以資弼亮羣下震
動回易耳目值羣盜肆逆久未蕩平憂憫黎元不遑安處

海疆弗謐

宵旰增勞功未報而

明誠宏略任賢勿貳臣宋定亂諸臣皆拔自

特達之知遂以經綽天地重就清晏故

廟爲

清

文宗

穆宗皇帝稟

兩宮懿訓再造區宇

一人垂拱於上百爾奔走於下中土既平苗回並戢自昔中葉多

故若晉室之隆卒保江東唐平安史遂陷藩鎮跋扈之患

皆以域中寇亂一蹶不振惟

帝考元偉烈爲方爭冠將錫海內臣民以永永安集之福早棄天

下弗究厥地至於今日哀慕之聲未已故

廟爲

清

穆宗古之有國者英君諄辟恆不多觀殷商聖賢六七不皆有成
績可稽詩美成康史言文景繼世者惡焉至我

朝

神聖代興開闢國見推其指要可得而言養與教咸盡其道而已
聖祖

高宗前後普免田賦數至億萬

列聖建元介壽諸鉅典詔編述亦動逾一二千萬迨粵寇鴟張
度支告匱而不肯行一厲民之政晚帥者權商稅以濟饑
事過卽

詔停減江浙甬復永減漕額誠天地浩蕩之仁也

世祖首定律令芟除冤濫

聖祖每遇讞獄遲回愼重至再至三時以此意諭勉臣下

世宗

高宗

仁宗明罰敕法權衡科律析及毫芒世守兢兢好生之德古無與比

深宮修省止於至善自

朝達野在綱不紊羣臣士庶莫不有當然之矩矱倬之率履以自納於理道之歸非不示含宏而必不干譽以妨政非不存矜恤而必不蓄莠以害苗

心法相承繼繩加密光天之下海隅蒼生咸曉然於

聖人之愛我此所以貽無疆之景福式克至於今日休也歟

臣

往誦蔣氏東華錄粗知梗概從事史館敬繹乾隆以次各朝爲續編病蔣氏簡略復自天命迄雍正錄之加詳然後

列聖圖治鴻模可循迹推求而得其

精心所注刻既成謹颺言簡端用告後世治國聞者於虛讀是編者敬念

累朝高厚之施必將感奮興起吏修其職民勸其業庶對揚

列祖休命以仰答我

皇上生成之恩是則

微臣

區區纂輯之微意也夫光緒十年歲次

甲申閏五月

東華錄目錄

天命一

起癸未

明神宗萬曆四十一年 盡乙卯 萬曆四十一年

天命二

起天命元年正月

萬曆四十四年 盡三年十二月 萬曆四十四年

天命三

起天命四年正月

萬曆四十七年 盡六年十二月 明熹宗天啟元年

天命四

起天命七年正月

天啟二年 盡十一年八月庚戌 天啟六年

天聰一

起天命十一年八月庚戌盡十二月

天聰二

起天聰元年正月盡十二月

天啟七年

天聰三

起二年正月盡十二月

明莊烈帝
崇禎元年

天聰四

起三年正月盡十二月

崇禎二年

天聰五

起四年正月盡十二月

崇禎二年

天聰六

起五年正月盡十二月

崇禎四年

天聰七

起六年正月盡十二月

崇禎五年

天聰八

起七年正月盡十二月

崇禎六年

天聰九

起八年正月盡十二月

崇禎七年

天聰十

起九年正月盡十二月

崇禎八年

天聰十一

起十年正月盡崇德元年十二月

崇禎九年

崇德二

起二年正月盡十二月

崇禎十年

崇德三

起三年正月盡十二月

崇禎十一年

崇德四

起四年正月盡十二月

崇禎十年

崇德五

起五年正月盡十二月

崇禎十三年

崇德六

起六年正月盡十二月

崇禎十四年

崇德七

起七年正月盡十二月

崇禎十五年

崇德八

起八年正月盡八月庚午

崇禎十六年

東華錄

天命一

臣王先謙敬編

臣周倫蕃恭校

太祖高皇帝姓愛新覺羅氏先世發祥於長白山山高二百餘里
綿亘千餘里山之上有一潭曰闔門周八十里源深流廣鴨綠混同
愛濤三江出焉鴨綠江自山南西流入遼東之南海混同江自山
北流入北海愛濤江東流入東海三江孕奇毓異產珠爲世寶重
其山風勁氣寒奇木靈藥應候挺生山之東有布庫里山山下有
池曰布爾湖里相傳有天女三長恩古倫次正古倫次佛庫倫浴
於池浴畢有神鵲銜朱果置季女衣季女含口中忽已入腹遂有
身告二姊曰吾身重不能飛昇奈何二姊曰吾等列仙籍無他虞
也此天授爾娠候免身來未晚言已別去佛庫倫尋產一男生而

東華錄

天命一